

汧陽縣志

(F)
(一)

850.3
原 12633
00780



沂陽縣志

雍正十年知縣管旂重修



沂陽縣志跋

夫沂古喻縻地也雖蕞

著名於漢也久矣
旃甫



索志而沂之士民遂以石門遺

事暨增補遺事送閱其創之者

友

王君素卷續之者吳君奉亭也
始知沂之志於明季兵燹之後
已散軼而不可改迨我

朝龍興十年邑令王君菴葺舊文

列為七卷邑中之土俗民情固

已瞭然可觀而人物官師似猶
簡而未詳至戊戌春又顧吳君
奉亭宰是邑起而略者增之闕
者補之其文章議論炳々麟々
洵足傳信古今蓋王吳二君將

欲使觀風者一覽興補救之思
殆可為有心世道者乎是即不
以志名而實無忝於名志也茲
者奉

部檄修邑志旆簿書之暇三覆久

之自揣不文何敢妄為筆削第
成成以來年雖未遠間有賢吏
足錄人文繼起節烈堪嘉者俱
令工人刊入以備考正若云修
志以俟後之君子已耳

雍正十年壬子季冬吉旦署泮
陽縣知縣管蒞跋

增補 目錄

建置補 啟聖祠 鄉賢名宦附

官師補

流寓補

人物補 忠烈 宦蹟 孝義 節烈

選舉補 舉貢監 進封附

藝文補 重建啟聖祠碑記 募修設太尉祠堂序

段公廟堂匾對 察院對聯 縣堂柱聯 詩計

文首壹

文廟香燭爐臺金龍桌牒文

祭殿太尉公帖

修志小敬

北

陽羨吳辰梧墓亭丹來氏纂輯

建置補


成聖祠

吳墓亭曰甲辰稿云祠在文廟左邑令周幽緒重修

今無可考矣歲癸巳余建於文廟之後共五間

一間記名堂西一間記鄉賢明經王標有記載

文



官師補

知縣

王斌

見毘盧寺天順七年所建鐘樓碑記

張涵洪洞人嘉靖二十六年夏冒雨蒞任沒於水見

前刻蘭記中

張弘

陳蘭芳河南寶豐縣歲貢萬曆四十年任整理學宮
常詔山西忻州舉人萬曆四十四年任

憂之時四川茂州舉人天啟元年任教民沿途種樹
人皆稱之有遺愛碑在三義廟前

王履亨四川華陽舉人天啟四年任
慮資生北直衡水恩貢天啟七年任
蕪人儼湖廣武陵恩貢崇禎二年任

郭經城山西浮山恩貢崇禎五年任立社課士書
燈火捐俸助之各所成就

劉之褒四川富順恩貢崇禎八年任

邵京丹山東高郵人崇禎十四年任

國朝

王嗣昌直隸高邑舉人順治三年任整理殘疆士

民藏德

余元清山東文登恩貢順治四年任政令嚴明立兩

園社課士陞湖廣常德府同知

王國璋江南江都人己丑進士順治七年任後行取

其在沂也招撫流移創設胎學種種善政難以枚

舉其功業盡見石門遺事中沂人士至今思之不

翟

王選神直隸長垣恩監順治十一年任相傳有遺愛
禪立東門外

周國緒浙江山陰人滿洲籍順治十八年任

康國祥江西龍泉人茂茂進士康熙元年任三年丁
憂

張炳嶽浙江定海選貢康熙三年任

巴三畏遼東遼陽東寧衛人落下簡思哈哈香廕生

康熙七年任

周鼎奉天府廣寧縣鑲紅旗人康熙十四年任

李寶額奉天府錦州人南正白旗癸卯科舉人康熙
十六年任二十三年陞河南懷慶府通判因虧空
仍叅革提問

顧同禮浙江紹興府上虞縣人由吏員康熙二十三
年任三十四年丁憂

章丕湖江南蕪湖縣人壬子拔貢教習康熙三十四

年在三十七年大計淫踐降調

王際江南句容歲貢康熙三十七年任四十年丁憂
曾建段公祠有碑記

黃士魁廣東饒平縣甲子舉人康熙四十一年任四
十六年丁憂

黃河河南鄆城人辛未進士康熙四十七年任緣制
憲嚴清廉而刻奉法惟謹雖負紳衿四百餘金而
百姓甚德其廉五十年四月因隴州知州宜思讓

詳評華職

吳宸梧江南宜興歲貢初任舒城教諭康熙五十年
十二月二十一日陞任

萊亭曰鳳郡七屬凡有差事俱出之里下惟沂獨
取給於官此席制臺所華行之十有餘載余踵而
行之小心謹慎不敢縱逸故府憲黃公有清慎勤
之獎署府白公甫蒞鳳於大廷廣衆之中云吳君
到任雖不久而輿情甚感激舊府張公亦以此言

獎勵余馬是更加兢惕而官民果頗相得詎料乙未歲撫軍都統大兵過汧一日費用四百餘金盡那正項至六月間採買騾馬供應草豆諸大差蠲集只得累及民間然而他邑馬騾里民代買而汧邑三次俱係官賄他處草豆盡出民間而汧豆出之於官鬪是軍需踵至大兵需索折草供應諸費庫銀罄去而民間竟加不美之名致使清白素心不能見諒於汧邑豈非天哉豈非天哉

興史

曹瑛 見毘盧寺天曆七年 李五 天順七年任 丘源 王成大 治

年程猗 謝崇古 李廷爵 張月 劉朝 唐萬

鎰 蘇琅 萬曆年任 劉葵 湖廣人以上俱見府志

歐陽駿 四川吏員萬曆三十四年任

盧嘉賓 四川吏員萬曆三十八年任

莫可啟 江西吏員天啟元年任

錢文治 湖廣吏員天啟六年任

楊登嵩山東東昌府吏員崇禎二年任

柳開甲北直吏員崇禎七年任

田弘慶河南閩鄉吏員崇禎十年任

孟紹統山西沁水吏員崇禎十三年任守城有功調

用軍前以上俱見甲辰志稿

 陳應祥浙江山陰吏員順治二年任

丁開泰直隸大興吏員順治四年任

王世貞浙江山陰吏員順治十三年任

樊思聰順天宛平吏員康熙元年任

王開臣浙江山陰吏員康熙十一年任

葉天奇順天宛平吏員康熙二十五年任三十一年

陞江南布政司庫大使

鍾樂浙江蕭山吏員康熙三十一年任四十二年丁

憂

均直隸河間府阜城吏員康熙四十二年任

十年滿散

八
南世襲江南齊州也貞康熙五十一年任五十二年

大計老疾

初沂山東莒州府松遠使貞康熙五十三年任

教諭

明

施愷

見天順七年新建靈樓碑記與訓導范忠禹時

李沂

見毘盧寺嘉靖六年訓導夏相所作

碑記

黃縉

馮紀

丘備秀

尙繼芳

楊弋

熊

伯貴

王斐

劉世可

舉人

朱僑

曲籌

侯職

王守正

以上見府志

張天賜 大梁歲貢萬曆三十年任

黃訓 漢中歲貢萬曆三十七年任

管承年 綏德歲貢萬曆四十二年任

荔榮祖長安歲貢天啟七年任

杜紹芳四川舉人崇禎五年任

李陳策保安歲貢崇禎八年任

張坊淳化恩選崇禎十年任崇學校周寒儒紳士

頌焉

董 範 同州歲貢崇禎十四年任 以上見甲辰志稿

國朝 王琳長安縣人順治八年任陞西寧衛教授

張弘猷長安縣人順治十年任

熊汝蕙咸寧歲貢順治十三年任

劉洪瀾興安州歲貢順治十五年任

東文榮華州歲貢順治十七年任
甲辰稿名日昇

李日蔚府谷歲貢順治十八年任

冀運芳邵陽舉人康熙二十二年任二十八年病故

李良直澄城戊午舉人康熙二十九年任三十三年

丁憂

羅璇袁淳化己酉舉人康熙三十三年任四十一年

陞西寧衛教授

郭希振環縣校貢康熙四十二年任大計浮躁革職

羅嘉積淳化校貢康熙三十年任

李繼宗同州辛酉副榜康熙五十六年任

訓導

范忠

嘉靖六年會撰

廖希 張弘 黃永廉

路榮

王策

王明

周冕

以上兼府志

閻道寧襄陵歲貢萬曆三十四年任

甲辰志稿係閻

董扶漢階州歲貢萬曆四十年任

王問臣榆林歲貢萬曆四十五年任

范璞秦州歲貢天啟二年任

張士俊咸陽歲貢天啟五年任

張星燦華州歲貢崇禎二年任

陳康濟潼關衛歲貢崇禎五年任

鄒士遴永昌衛歲貢崇禎九年任

魏歲沁水歲貢崇禎十一年任

牛紹曾商州歲貢崇禎十五年任



侯士龍同官歲貢順治三年任

于景寧真寧歲貢順治五年任

以上見甲辰志稿

趙承祚興平縣歲貢順治九年任

惠文彥長安縣歲貢順治十年任

楊徽郭縣歲貢順治十二年任

改觀甯平歲貢順治十五年任

劉捷用西和縣人康熙四年任

大倫 鄜州人 康熙七年任

李文燦 同州人 康熙八年任

祖衍 秦永壽縣人 康熙十年任


胡文達 紫陽歲貢 康熙二十一年任 三十年休致

李桓 權茂州歲貢 康熙三十一年任 三十二年病故

石震 寰環縣歲貢 康熙三十三年任 四十年病故

薛三奇 澄州歲貢 康熙四十年任 五十六年陞統州

學正



知縣

李鎮邦正紅旗漢軍監生康熙六十年任雍正元年

丁憂

賈廷訓正紅旗漢軍監生雍正二年任雍正三年丁

憂

丁瑛山東陽信拔貢教習雍正三年任雍正六年請

改教職

佟鉅鎮黃旗漢軍俊秀雍正六年任雍正九年調任

榆林府定邊知縣

靳運直隸天津人庚子舉人雍正九年任本年調署

山陽知縣

管蒞江南武進監生雍正九年山陽調署事

教諭

趙鉅三原歲貢康熙五十九年任雍正二年告病

劉履符臨潼甲午舉人雍正三年任雍正五年會選

士

蕭香樹蒲城茂子舉人雍正九年任雍正十年陞河南永寧知縣

訓導

馬景運洋縣歲貢雍正四年任雍正九年告病
黃佳兆狄道歲貢雍正九年任

典史

靳希聖順天府武清縣貢雍正十年任

舉人

武朝秀壬子中式

出仕歲貢

呂元發鎮安訓導

張嶽商州訓導

吳廢榮甘泉訓導

耿啓元寧羌訓導

未出仕歲貢

張璣癸卯貢

高璋癸卯貢

劉澤乙巳貢

冉紆丁未貢

王朴庚戌貢

張具聖壬子貢

拔貢

蒲現癸卯貢

恩貢

劉宴辛丑貢


例貢

王渾辛丑貢

張懷心辛丑貢

流寓補

明李在，金直隸長垣人。崇禎癸辰進士，授行人。逆闖亂，徙於汧。順治二年，城陷，被執，不屈死之。



人物補

忠烈

高公秀實

字號祖先詳前刻中

通鑑綱目云高僊芝將兵三

萬擊大食深入七百餘里與戰大敗士卒死亾略盡

將軍李嗣業勸僊芝宵遁別將段秀實詭之曰避敵

先奔無勇也全已棄衆不仁也幸而得達獨無愧乎

嗣業執其手謝之留拒追兵收散卒得俱免還至安

西言於僊芝以秀實兼都知兵馬使爲己判官

玄宗命李嗣業將兵五千赴行在嗣業與節度使梁
宰謀殺師以觀變殺德府折衝段秀實讓嗣業曰豈
有君父告急而臣子晏然不赴者乎特進常自謂大
丈夫今日視之乃兒女子耳奉天曰觀太尉兩番親
勸勒以從德宗者乎嗣業大慙即白宰發兵以秀實
其不從者必有故也
自將之請行在既而副戎段秀實為懷州長史知
留後事秀實還駕梁募兵而馮以奉鎮西行營相繼
奔逃

代宗大曆十二年九月以呂秀實爲涇原節度使
實軍令簡約有威惠奉身清儉室無姬妾非公會未
嘗飲酒聽樂後楊炎獨任大政奏用元載遺策城原
州欲發兩京關內丁夫浚豐州陵陽渠以興屯田上
遣中使訪之涇原節度使段秀實秀實以爲邊備尚
虛未宜與事以召寇炎怒徵爲司農卿命李懷光居
前督作朱泚崔寧各將萬人翼其後詔下涇州爲城
其將士怒甚又以懷光嚴刻皆懼別駕劉文喜因衆

心不安據涇州不受詔復求段秀實或朱泚爲帥
以泚代懷光 書法云楊炎怨秀實徵置閒散地用
泚代之私也以秀實忠幹使在涇原則他日無涇
之變矣綱目謹書之著亂始也

德宗發涇原等道兵救襄城節度使姚令言將兵
千至京張旗鼓譟上命賜帛人二疋衆怒射中使
之遂入城百姓駭走初白志貞募禁兵東征死囚者
皆不以聞但受市井富兒賂補之名在軍籍受給賜

爲都虞候卒有能引弓重二百四十斤者犯盜當死
璘欲生之秀實曰將有愛憎而法不一雖韓彭不能
爲理璘善其議竟殺之璘處事或不中理秀實爭之
璘或怒甚秀實曰秀實罪若可殺何以怒爲無罪殺
人恐涉非道璘攝衣起良久置酒召秀實謝之自是
事皆咨秀實而後行聲稱甚美

元載以吐蕃連歲入寇馬璘以四鎮兵屯邠寧力不
能拒而郭子儀以朔方重兵鎮河中深居腹中無事

之地乃與子儀及諸將議徙璘鎮涇州而使子儀以朔方兵鎮邠州曰若以邊土荒蕪軍餉不給則以內地租稅金帛助之諸將皆以爲然徙璘爲涇原節度使璘先往城涇州以都虞候段秀實知邠州留後

初四鎮北庭兵久羈旅數遷徙勞弊怨誹兵馬使王童之謀作亂期以辛酉旦警嚴而發前夕有告之者秀實陽召掌漏者怒之以其失節令每更來自報延之數刻遂四更而曙童之不果發告者又云今夕欲

焚馬坊草因救火作亂中夕火果發秀實命軍中行
皆止坐者勿起各整部伍嚴守要害童之白請救
火不許及旦捕童之及其黨八人皆斬之下令曰後
徙者族流言者刑遂徙於涇

吐蕃寇涇邠渾瑊將步騎五千戰於宜祿宿將史抗
等不用命官軍大敗馬璘亦敗爲虜所隔段秀實發
城中兵出陳東原吐蕃稍却璘乃得還

馬璘疾亟以行軍司馬段秀實知節度事秀實嚴兵

以備非常璘卒軍中奔哭者數千人喧咽門屏秀實
悉不聽入命押牙馬顛治喪事於內李漢惠接賓客
於外妻妾子孫位於堂宗族位於庭將佐位於前牙
士卒哭於營伍百姓各守其家有離立偶語於衢路
輒執而囚之非護喪從行者無得遠送致祭拜哭皆
有儀節送喪近遠皆有定處違者以軍法從事都虞
候史廷幹等謀因喪作亂秀實知之奏遣入宿衛分
徙其黨補以外職不戮一人軍府晏然

代宗恐吐蕃出潼關徵郭子儀詣行在驛坊簡度規
畫度秀實說自孝德引兵赴難孝德即日大舉南趣
宜與蒲陝商華合勢進擊

初郭子儀聞虜逼邠州遣其子晞將兵救之虜攻之
不克及遣又攻之不克遂遁晞在邠州縱士卒爲暴
節度使自孝德患之而不敢言度秀實白請補都虞
候晞軍士入市取酒刺酒翁壞釀器秀實列卒盡取
其首注漿上檀市門晞一營大譟盡甲孝德恐秀實

曰無傷也請在解之幾者覺者一人持馬至踰門甲者出秀實笑且入曰殺一老卒何甲也再戴吾頭來衆踰出秀實讓之曰爾元帥勲寒天地當念始終今常侍怒卒爲暴行且致亂亂則罪及爾元帥郭氏功名其存多幾何言未畢驛再拜曰公幸教踰以道敢不從命此左右皆解甲敢諱者死秀實因留宿軍中且至孝爲所謝

四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

而身居帝座爲賊嚮段秀實上言禁兵不精其數全
少卒有患難何以待之不聽至是上召禁兵禦賊竟
無一人至者乃與太子諸王公主自苑北門出王貴
妃以傳國璽繫衣中宦官左右僅百人從後宮諸王
公主不及從者十七八是夜至咸陽餒數七而過羣
臣皆不知乘輿所之賊登含元殿譴謀爭入府庫運
金帛姚合言曰衆無主不能持久朱太尉閒居私第
請相與奉之衆許諾乃遣騎迎朱泚入宮百官出見

泚或勸迎乘輿泚不悅源休以使回紇還賞薄怨朝
廷入見泚爲陳成敗引符命勸之僭逆以司農卿段
秀實久失兵柄意其必快快遣騎召之不納騎士踰
垣入勸之秀實乃謂子弟曰吾當以死徇社稷耳乃
往見泚說之曰糴賜不豈有司之過也天子安得知
之公宜以此開諭將士示以禍福奉迎乘輿此莫大
之功也泚不悅秀實與將軍劉海濱涇原將吏何明
禮岐靈岳謀誅泚迎乘輿未發泚遣韓旻將銳兵三

子聲言迎駕實讓奉天秀實謂靈岳國事急於從之
岳諸爲姚令言符令曼且竊其印未至秀實劍用
司農印印符追之曼得符而還秀實謂同謀曰曼還
吾爲無類矣我當直搏此殺之不克則死終不能爲
之臣也使海濱明禮陰結死士爲應曼至泚令言大
驚鎗音獨承其罪而死泚召李忠臣源休姚令言及
秀實等議擢帝事秀實勃然起奪休象笏前唾泚面
大罵曰狂賊吾恨不斬汝萬段豈從汝反耶因以笏

擊泚中其額瀆血滿地海濱不敢進而逸忠臣前助
泚泚得脫走秀實知事不成謂泚黨曰我不同汝反
何不殺我衆爭前殺之海濱捕得見殺明禮從泚攻
奉天復謀殺泚亦死上聞秀實死恨委用不至海泗
久之

興元元年二月贈段秀實太尉諡忠烈 書法云贈
書贈重死節也景卿書諡忠烈節秀實書諡忠烈重卿
著證文忠書死節書立 賜其贈官書諡者三人而已

矣 胡氏曰秀實不死志將有所圖也然無濟理也
則亟死爲正秀實亦可謂知所處者然恨其未盡善
也亂兵入城天子出避執鬻以從人臣所當爲也
秀實不知此而猶爲司農卿見幾不敏惜哉抱忠貞
材草草而死也 以上俱見綱目

葦亭曰段公所以不及從亾者自必有故觀其一
生言行視死如歸豈戀戀司農憚此一行耶冥冥
之中留之京邸賺回韓旻之兵耳否則銳兵三千

疾走奉天民公徒手以爲衛卒亦何益乎彼胡民
者以猶爲司農卒而死譏之豈足與之齒論古
人耶吁以公之忠賢猶被後世之譏若此彼士君
子陷身湯火之劫上下束縛於死冤謗不得少伸
其志亦惟有抱恨幽僻等一海濱而已欲求一畧
其迹而原其心會其新而思其舊嘆其所遭之不
偶而諒其時勢之維艱者烏可得哉烏可得哉

段太尉秀實汴陽人六歲就孝童天寶四載從安西

節度使馬靈謦討護密有功授安西府別將靈謦罷
又事高仙芝之後又從封常清討大勃律次賀薩勞城
與虜戰勝之改緞德府折衝都尉後吐蕃襲京師代
宗走陝白孝德薦爲涇州刺史時郭子儀爲副元帥
居蒲子時以檢校尚書領行營節度使屯邠州邠人
之嗜惡者竄名伍中因白晝羣行丐頡於市有不賺
輒擊傷市人椎釜鬲甕於道甚至擗害孕婦孝德不
敢言秀實自州至虜白狀曰天子以生人付公公見

人被害恬然不爲意其如大亂何孝德曰願奉教秀
實因請曰公誠以某爲都虞候某能爲公已之孝德
卽檄署付軍俄而晡士十七人入市取酒刺殺酒翁
壞釀器秀實刳卒取之斷首置槃上植市門外一營
大譟盡甲秀實徐解佩刀選老嫠一人持馬徑至晡
門下甲者皆出秀實笑而入曰殺一老兵何甲也吾
戴吾頭來矣甲者愕眙秀實因曉之曰尚書負若屬
耶副元帥負若屬耶奈何欲以亂敗郭氏俄而晡出

秀實又曰副元帥功塞天地今尚書恣卒爲暴使亂
天子邊欲誰歸罪乎罪且及副元帥矣今邠惡子弟
以貨竄名爲將校害人藉藉如是人皆曰尚書以副
元帥故不戢士然則郭氏功名其與存者有幾晞乃
載拜曰公孝教晞卽此左衣解甲秀實曰吾未哺食
請爲我設具已食又曰吾疾作願一宿門下遂臥軍
中晞大駭戒候卒擊柝衛之明日晞與俱至孝德所
陳謝邠賴以安秀實之力也大曆五年馬璘代孝德

為節度欲從涇州是軍自四鎮北庭赴難數征伐有
功既驟從遂出怨言州將王童之因謀作亂約曰聞
警鼓而繼秀實知之召使人陽怒失節且戒曰每聞
盡當報因延數刻盡四鼓而曙明日又有告者曰夜
焚橐積約救火則發秀實申嚴警備夜果火即下令
曰敢救火者斬明日收捕并其黨八人皆斬以徇復
下令曰後徙者族軍遂能無敢後者久之璘有疾請
秀實攝節度副使秀實遂按節備邊璘卒秀實命愿

繼馬順主喪卒漢惠主賓客家人位於堂宗族在
庭賓客位於牙內尉吏士卒位於營次非其親不得
居喪側朝夕隨三日止有族談離立者皆捕囚之一
軍遂安朝起回拜秀實四鎮北庭行軍涇原鄭頴節
度使建中初宰相楊炎欲滅虜州以議不合改爲司
農卿朱泚反使副趙秀實秀實至謂泚曰將士東征
宴賜不豐有司羅河人主何與知之公本以恩義聞
天下今變起倉卒當輸粟以濡鵠捕清宮室奉迎乘

輿可也泚默然秀實知不可乃陽與合陰結將軍劉
海濱都虞候何訓盡徵其兵泚會源休教泚追逼天
子遣將韓旻領統師三千突施奉天秀實以爲此係
危逼之時遣人諭大吏岐靈壽竊取令言即不獲乃
倒用司農印追其兵旻至驛各驛得符而還秀實謂
海濱曰旻還吾等無類矣汝當直搏殺賊請公請舉
力相應翼日泚召秀實計事源休跪令言李忠臣李
子平者在坐因語及僧徒喜不語而源休執休腕奉其

象勢陸此而大罵曰狂賊可磔萬段我豈從汝反耶
遂擊此笏中顛流血鐵面海濱等卒無應者秀實知
無援乃大呼曰我不同汝反胡不殺我遂遇害年六
十五 見李氏藏書大將傳

段太尉逸事狀

柳宗元

太尉始爲涇州刺史時汾陽王以副元帥居蒲王子
踰爲尚書領行營節度使寓軍邠州縱士卒無賴邠
人偷嗜暴惡者率以貨竄名軍伍中則肆志吏不得

問曰羣行丐取於市不賺輒奮擊折人手足椎釜鬲
甕盎盈道上把臂徐去至撞殺孕婦人邪寧節度使
白孝德以王故戚不敢言太尉自州以狀白府願計
事至則曰天子以生人分公理公見人被暴害固恬
然且大亂若何孝德曰願奉教太尉曰某爲涇州甚
通少事今不忍人無益暴死以亂天子邊事公誠以
都虞候命某者能爲公已亂使公之人不得害孝德
曰幸甚如太尉請旣署一月歸軍士十七人入市取

酒又以刃刺酒翁壞釀器酒流溝中太尉列卒取十
七人皆斷頭注梁上植市門外晡一營大譟盡甲孝
德震恐召太尉曰將奈何太尉曰無傷也請辭於軍
孝德使數十人從太尉太尉盡辭去解佩刃選老甓
翁一人持馬至晡門下甲者出太尉笑且入曰殺一
老卒何甲也吾戴吾頭來矣甲者愕因論曰尚書固
負若屬耶副元帥固負若屬耶奈何欲以亂敗郭氏
爲白尚書出聽我言晡出見太尉太尉曰副元帥勲

塞天地當務爲始終今尚書恣卒爲暴暴且亂亂天
子邊欲誰歸罪罪且及副元帥今邠人惡子翁以貨
竄各軍籍中殺害人如是不止幾日不大亂大亂由
尚書出人皆曰尚書倚副元帥不戢士然則郭氏功
名其與存者幾何言未畢歸再拜曰公幸教諭以道
恩大甚願奉軍以從顧叱左右曰皆解甲散還火伍
中敢譁者死太尉曰吾未哺食請假設草具旣食曰
吾疾作願留宿門下命持馬者去旦日來遂臥軍中

縣不解衣被候卒擊柝衛太尉且俱至孝德所謝不
能請改過邠州由是無禍先是太尉在涇州爲營田
官涇大將焦令謨取人田自占數十頃給與農曰且
熟歸我半是歲大旱野無草農以告謨曰我知入
數而已不知旱也督責益急且機死無以償卽告太
尉太尉判狀辭甚異使人求論謨謨盛怒召農者曰
吾畏段某耶何敢言我取判鋪背上以大杖擊二十
垂死翼來庭中太尉大泣曰乃我困汝卽自取水洗

去血裂裳衣齋手注善藥旦夕自哺農者然後食取
騎馬賣市穀代價使勿知淮西爲軍帥尹少榮剛直
士也入見譔大罵曰汝誠人耶涇州野無新入且饑
死而必得穀又用大杖擊無罪者段公仁信大人也
而汝不知敬今段公惟一馬賤賣市穀入汝府又取
不取凡爲人傲天災犯大人擊無罪者又取仁者穀
使主人出無馬汝將何以視天地尚不魏奴隸耶譔
雖暴抗然聞言則大愧流汗不能食曰吾終不可以

見段公一夕自恨死及太尉伯涇州以司農徵戒其族過岐朱泚幸致書幣慎勿變及過泚固致大綾三百疋太尉婿韋晤堅拒不得命至都太尉怒曰果不用吾言晤謝曰處賤無以拒也太尉曰然終不以在吾第以如司農治事堂樓之梁木上泚反太尉終吏以告泚泚取視其故封識具在今之稱太尉大節者出入以爲武人一時奮不慮死以取名天下不知太尉之所立如是宗元嘗出入岐周邠秦間過真定北

上馬嶺歷亭彰樂成緒好問考校選卒能言其事大尉爲人矧矧常乘首拱手行步言三身弱未嘗以色待物人視之儒者也遇不可必違其志矣非偶然者會州刺史崔公來言信行直信得本尉遺事覆校無疑或恐尚逸墜未集太史氏敢以狀私於執事

靈巖

明張恕景泰丙子舉人山西平遙知縣在任九年不寬

不縱民戴其德陞知州其安靜平易如終不渝賢聲

大著今龍槐原其故里也

張經字懷德號彙羹爲諸生忽死而復甦登正德五年鄉薦任山西石州牧有土寇猖獗經設計擒剿追入深山賊渠授首餘黨悉平詢諸土人曰斯何地也荅曰呂梁山經作而嘆曰前夢抑何靈耶次日周州堅意告歸士民泣留不允懇求其故經曰吾做秀才時病中爲青衣執見一王者蒙諭呂梁須用若令釋回遂寤今呂梁旣平吾事已畢尚復何待及歸行李

蕭然士民爭贖却之不受是鄉褐衣蔬食清貧自甘
制院張珩贈詩立碑見前

孝義

明王用臣號東山舉明經性淳而孝博學強記親歿廬
墓三年築墳植樹有白鶴翔里人異之也今夏公
太守項公俱旌其門

魏守寧父亾母守志撫之及長母久病寧侍奉不離
側每夜半焚香拜禱北斗忽一日夢一人持肉來寧

驚醒母問何處肉香寧疑前夢遂割股食之果愈當
道州給旌匾巡方御史張題請給粟布

王傑柔性至孝父病久傑割股啖之遂愈當道旌焉
奉亭曰割股愚孝也其心可嘉故錄之

田明錫字康侯庠生性古朴八歲能文事親孝遂闈
遣官試士錫曰爲一頑民足矣稱疾不出未幾遊關
敗餘賊入境錫負母逃被執迫脅以從母泣錫告以
母老無目賊搥傷其母錫力脫之不得遂遇害

張弘號古菴器宇魁梧家頗富好禮重義歲饑餓殍
載道弘謂妻曰荒歉如此親故皆困積穀何爲遂開
廩賑貸多寡量給仍設厰施粥路遠者給以米約費
千石全活甚多歲熟貸者爭還之毫不計利人稱其
賢當道題請詔賜千戶壽九十九歲

國朝

趙岑翰號臨軒恩貢父母沒廬墓三年食不重味

衣不更澣一日寇數十騎劫掠荆王河耕夫伏聽寇
言此處有孝子廬墓從下路行勿驚擾邑侯王履亭

聞之曰漢蔡順食樵奉母赤眉亦憐其孝今復見古
人矣聞於學憲給匾旌之

節烈

明魏氏趙邦奇妻彥亾氏年二十有五遺子于庭在襁
褓家貧紡績撫孤庭長孝而勤學入泮食廩鄉人賢
而舉之邑侯李公枝秀旌之曰母節子孝學憲洪亦
給節孝天植匾氏壽九十有五于庭以明經任衛教
授亦年八十有二

朱氏庠生趙徵妻卽魏氏孫媳年一十八歲生子一
鶴僅越湯餅徵亾氏三日不食欲自盡公姑爲孫故
委曲諭之遂剪髮嚙指以柏舟自誓邑侯王公履亨
旌曰一門雙節郡守沈諱自彰給匾雙節流芳迨接
御史王給匾貞節嗣徽一鶴後舉明經

呂氏庠生蘇贊育妻年二十歲生一子曰廣甫越月
育亾茹茶飲藥教子入泮守節五十年里人賢之

燕氏李簋珍妻明末寇亂夫妻避賊崖洞間被執氏

有盜賊掠以行氏不捨珍賊遂殺珍氏見夫死惡言
大罵以石擊賊抱子墮崖而死

冉小姐年十六幼失父伯庠生冉希夔撫之視同已
出順治二年賊攻崖洞夔力敵被害女號天痛哭投
崖而死

蘇氏呂廷諫妻年二十一遺子集聖甫二歲諫亾苦
志守節四十二年子入泮

張氏生員任重妻年二十餘被賊執氏紿之曰我有

子在可引以同行賊從之移數步投崖而死

國朝 蒲氏李甫仁之妻也事翁姑以孝聞二十三歲夫

亾鍵戶自縊舉家破門相救鼻血已下百計救之始
姓泣而言曰我止一女無子翁次子雖幼叔也我
日何以同居其翁以外孫某繼嗣蒲氏視若已出姑
亾其次子亦亾翁不時痛哭氏泣諫翁爲節哀氏居
距母家不數武常歸寧食以美饌氏泣曰翁老矣愧
無甘旨以奉兒雖得食安能下咽母知其意每餽之

食必再四以進翁不敢輕嘗也一日翁病母亦病每省母卽歸曰母固傷心然有子有媳我翁何所依耶凡飲食湯藥必親進而親嘗翁死氏勺水不入日者數日今歲丁酉五十三歲矣

宋氏年十六適沙成湖舉二子俱幼夫亾年二十三立志守節其父以其少欲令轉適氏毅然曰人死等耳何分老幼父若再有後言兒請從此辭終身不復相見矣無何翁姑去世其夫之姝丈失耦欲娶之內

外逼謀將奪其志氏告其兄力爲拒絕遂終其節焉
李氏魏效徵妻年十九夫亾長子四歲次子在腹家
極貧撫孤成立苦節四十餘年

耿氏夫高佩早歿年二十有二生子方襁褓有挑以
輕塵弱草之喻而氏誓凜柏舟教子成立學校公論
云飲茶茹蘖石可爛而志靡他玉潔冰清生可捐而
節不改年七十餘卒

李氏生員朱必服之妻生一子甫歲餘服亾氏年二

十有二水霜矢志教育孤兒三十餘年方舉一孫兒
媳又俱歿喪今復撫育孤孫矣此孀居之最苦者年
近五旬貞節不變紳衿連名公舉請刊入誌

奉亭曰年未五十不合旌獎入誌之例姑念其子
又凶更爲可憫特附入志以鼓舞之

冉氏年二十六其夫張佐相凶遺二子家無生業晝
樵夜織以育孤兒忽一日夫之叔貪其利遺之氏投
崖以避自是無有過之者矣今六十有三始終如一

趙氏生員閻泰公妻也年二十四守寡家計蕭條欲奪其志則咏黃鶴歌以見志教子人泮艱苦備嘗三十餘年貞操至死弗變

徐氏歸武繼文年十九夫遠出杳無音耗奉姑以孝而族惡屢屢逼其改嫁氏率二子遷居以避之者數四每遇歲歉不啖糟糠而其志益堅今三十一年矣衆論會同特入貞節以勵末俗


徐氏年二十八夫羅景玉死遺三子一姪紡織育孤

子

傳家年七十有八不
傳家年七十有八不
傳家年七十有八不

補遺孝子

楊柱三歲失恃繼母每虐使之而其益孝每易一衣
一履必衣冠以拜遇疇物母未食不食先嘗竟我底
豫邑令顧公給匾旌之物故數年閩邑循賈賈稱道
焉



選舉補

舉人

國朝

徐致知

沈雙筆

俱康熙丁酉科

恩選

明 石瑛

山西御史見甲辰志稿

國朝

趙岑翰

乙酉恩貢
見孝義

邢之琰

乙酉選拔考授通判與修甲辰志稿

王來

選舉補

程子思貢考授通判與修甲辰志稿張茂猷邢巨室甲午選授任河南魯山縣

沈蘭芳取雲霄任必勝丙辰恩貢邢而忻乙丑拔貢考授

州同改王標丁丑選授候選學正教諭冉緣戊子恩貢候選學正教諭

歲貢

何應舉教授王如愚教授王三才縣丞王應豸紀善

王聲宏教授呂一新訓導以上見甲辰志稿

張耀婁府各冉成袞州楊聖典張廷柱牛

冲事呂大成吳堡徐詣選張斗樞趙一鶴與修

可入名宦

甲辰志稿 景德頹與修甲辰志稿 姚闢乾康熙已酉貢

蒲蒼庚戌貢 縣訓導 蒲茂甲寅貢 與修 李色健丙辰貢 王佳

已未貢任商南訓導 濟寒士賑饑民周急 冉緒 趙

解推善蹟不勝臚舉 太子聲赫名重專城 冉緒 趙

曙壬戌貢 與修 劉弘勳癸亥貢 劉成周丙寅貢 秦 任必

大戊辰貢 張輔庚午貢 冉如玉壬申貢 孟醇甲戌貢 長 張可

達丙子貢 呂元發戊寅貢 沈值庚辰貢 張素壬午貢 父名 學

博與修甲辰志稿 武纘文 張嶽丙戌貢 冉振興戊子貢 李棠己

貢 吳騰榮辛卯貢 燕紀癸巳貢 耿啟元丙申貢 王聖彥戊戌貢

選舉補

副榜貢

癸巳年特開

萬壽科四書五經共二十三藝中式副榜第一名徐致知

例監

張佩聖 考授州同知職銜

賜封

明趙讓似子康貴誥贈中順大夫直隸河間府知府

張冠省以年去其勅封承德郎兵部武選司主事
蕭敏用生以子嘉翰貢勅贈承德郎誥贈奉政大夫
加四品服


蒲嘉輪貢生萬曆三十年任山西太原府通判分

司代州三年考滿百姓保留三院會題陞本府同
知仍司代州又三年考滿復題加四品服共任九
年誥封二次告致數回奉旨馳驛還家親睦鄉里
賑恤饑荒澤流兩地聲騰萬口制碑猶存 附錄制

曰冀北餉庾軍國大計攸關雁門機務士馬要害
所係藉非通材曷能奏最爾山西太原府同知蒲
嘉輪操履端清才猷敏練萃二任而仔肩一身莅
八年而克勤三事廉克生明芻儲覈如觀火威能
濟愛兵民翕爾嚮風循績屢著褒嘉宜重授爾階
奉政大夫錫之誥命夫邊關重地錢穀劇司加惠
黎元允當綢繆於未雨綬鞬保障益宜恭著於載
星爾能慎於簡書朕何憚於申命毋渝前念勉圖

後漢欽哉





增補石門遺事

藝文補

邑彙例有藝文另列一冊獨鳳郡志書隨處附見雜
亂不堪而素菴先生生長邦江弘才茂蹟宜乎遠法
史漢令後人一目了然奈何亦踵其陋耶今既不能
翻板重刊一新耳目謹將段公列傳暨碑記序文官
紳人物補入以備後賢採擇至於石門遺事素菴先
生獨能修之於文獻蕩然殆獲甫定之日其功實與

石門並傳不朽况其記敘之妙行於詩歌居然一
作乎也奈甲辰志稿任意刪去十不存一卽有字書
不特點金成鐵竟使上下支氣俱斷而不續泝志抑
何不幸至此耶願康君旋卽丁艱未及付梓此又不
幸中之幸也後之人若無作史之才慎勿將素菴所
纂擅爲塗改使佳文復羅其臭是余所深望而深懼
者丁酉八月旣望葦亭翁來氏書於隴廩宮舍之浴

鵝軒

二書之妙考覈精詳不溢不遺而外全在手筆此其
功志之所以見稱者康公筆也素菴之文雖不及武
功簡潔然縱其筆之所之娓娓有致實爲山川生色
色乘增光藹素菴有言偶爾掇拾都無倫次後人重
修不過取其差謬之處畧爲改正且爲之分門別類
以紀之則素菴澤流千載矣甲辰志稿網羅舊事不
可謂無功倘得一妙手爲之修飾潤色纂成一帙豈
非極美好事乎所可恨者一壑一丘一人一物一經

名人題咏卽可傳之不朽故前人記叙詩歌苟不至
詞意大悖自應存之以垂諸後也不意紛更改削使
前人妙筆變而爲後人笑柄不益大可悼歎

奉亭又

識

重建敬聖祠碑記

與稽學宮之制自唐太宗易周公爲

孔子 孔子之廟始禘天下自天子以至於師生皆北

面跪祭禮如親弟子故從古祀典之盛莫盛於 孔

子所謂生民未有賢於堯舜者也然而齊聖不先父

食况廟制乎明嘉靖間以張璉議特建

敬聖祠於義其可於心始安標自童子時見吾邑 敬

聖祠故制狹樸下窄不足以揭虔妥靈而又梁楹赤

自隆朔不治木主黝昧藩拔級彝至於今片瓦無存
已四十餘年前任皆附主於正殿春秋二丁乃遷於
明倫堂而委事於其副一切牲醴香帛苟具臨時籩
豆狼藉薦禲儻與不中儀式執事不供祭畢仍徹主
於正殿其來已久神不顧享故汧久不發祥蟻行鵬
飛者無人雖未可執爲斯廟咎然亦未始不由乎此
也

今上辛卯冬吳公爲縣於汧越明年行釋奠禮見兩主

一龕退而語師生曰未有 啟聖無專祠而人心安
者人心不安而謂聖心安乎遂有建祠之議夫公治
人以明事神以誠律己以廉潔相俸創建費又不貲
因令僉禮生能捐助者復其家經營於正殿之北其
地爽塏廓以五楹其中三楹則祀 啟聖公左右兩
楹權附名宦鄉賢於其內庶足以妥神靈矣乎然而
非公意也兩祠特建遂以俟諸異日今而後每丁祭
公乃盛服趨事駿奔走各執其職凡牲醴籩豆以及

登降之數旣備且虔神具醉飽由是人文丕變長發
其祥蟻行鵬飛者殆未可量然公之爲此非但日培
補風氣以要利達已也將欲爲士者立身行道揚名
於後世以顯父母也汧人士其勉之哉公江南宜興
人號奉亭字丹來諱宸禧由歲貢除授江南廬州府
舒城縣教諭陞任今職

康熙歲次癸巳孟冬上浣之吉邑人王標撰

嘉修段太尉祠堂序

嘗聞忠臣烈士扶正氣植綱常伸大義於千古者宜
廟祀勿衰以爲世道人心勸我沂邑有唐太尉段
公奇謀偉烈與日月爭光前令王君曾修廢祠於縣
西草碧鎮僅三楹耳余蒞茲土過其庭則闐然登其
堂則蕭然瞻其貌則肅然浩氣如生洋洋乎其盛矣
哉所可異者沂人惑於習俗無論古刹舊觀野廟淫
祠祭賽演戲舉國若狂獨至段公爲沂邑千古人

傑而香火寂寂曾不一過而問焉則惑之甚者矣余
爲敬設春秋二祭以妥在天之靈外欲再構數椽以
增廟貌竊有志而未逮適醫生雷姓歿於茲鎮並無
子孫而又遺有餘資而無所用用以廓公之祠雷
姓雖在九泉諒亦心服卽傳鄉練議之僉稱甚善而
余復捐薄俸以爲倡首恐工費浩繁力不能繼特與
汧人士約與其邪惑迷途爲無益之費何如量捐財
力以奉梓里之先賢使廟貌煥然禮祀不朽公之

爽式憑而沂人士仰其遺風欽其餘烈於以鼓勵其
忠孝節義之氣誰謂無功故序之以爲沂人士勸
康熙歲次丙申仲冬沂令吳宸梧題

三
行

三
行

三
行

田賦

舊額田凡六千三百八十頃六十四畝九分零內熟
田一千四百八十一頃四十二畝八分零雍正三六
七三年自首田一百七十三頃二十畝六分零又於
雍正二年認墾田二十一頃十五畝六分奉文十一
年起科尚有荒田四千七百四頃八十五畝九分零
舊額糧一萬一千八百四十一石八斗五升零內熟
糧二千五百七十二石一斗四升零雍正三六七三

年自首田增糧三百石五斗三升零又於雍正二年
認墾田增糧十三石五斗二升零尙有荒糧八千九
百五十五石六斗三升零

舊額銀一萬三千八百九兩零內熟銀三千六十兩
八錢零雍正三六七年自首田增銀三百四十二
兩四錢二分零又於雍正二年認墾田增銀十九兩
八錢七分零尙有荒銀一萬四百二十九兩八錢九
分零

舊額丁銀五百十六兩三錢一分零雍正五年增丁銀八十一兩三錢九分零

舊額均徭銀七百六十二兩八錢二分零節年共增均徭銀九十兩三錢六分零停免銀一百九十八兩九錢零

戶口

舊額九千九百四十九口今實在一千八百八十八節年共增丁二十口續生人丁奉

日永不加賦

里甲

舊額十六里今實在五里順化里十編甲尊敬里十
編甲仁孝里十編甲和睦里十一編甲潔白里四編
甲

鹽課額引一百二十九張

沂邑地不產鹽皆係外來發販其課銀名輸之民而
實賠之於官

襍賦

牙帖銀二兩磨課銀一兩五錢六分零仍照
舊額地畝稅銀儘收儘解

驛遞

驛馬舊額六十四匹康熙三十六年撥協馬十五匹雍正七年撥解涼安塘馬三十四匹十年撥協邊馬四匹今實在驛馬二十一匹
縣馬五匹

馬夫十三名半

損夫舊額四十六名雍正十年奉勅二十四名今實
在遺夫二十二名

陸公剡額

氣

塞

爾

聞

隴州知州屠

沂題

義

昭

千

古

柱聯

奇

謀

曾

邊

亂

孤

掌

又

擎

天

邑令吳宸楮題

察院大堂柱聯

鄭監欲陳圖遇此地描寫難堪幾度悲酸仍束手
漢侯思借箸處今日調停無計空悵悵自費眉

遂海黃甫性題

後堂柱聯

青 燈 對 案 求 民 隱

白 日 瞻 天 草 諫 書

無名氏題

縣堂柱聯

軒蓋若流星額賦不過四千零何以供東來鳳西
來龍

山田非沃土戶籍僅攢三里半宜其訴北有斗南
有箕

邑令王 輅題

撫綏掣肘於彈丸念茲三四里廬井田疇安得優
游作息

供應比肩乎鳳隴觀此幾千歲
父老子幼何能歌
咏恬熙

世本吳震格題

詩

式段太尉故里

奸雄首亂勢何艱
義士愀然腸若結
借劍無由斬彼頭
衝冠直欲濺阿血
身濱斧鉞幾曾回
口罵兇囚未始輟
鐘虛當年竟晏如
丹忠千古終不滅

陽冰集卷之五十五 李士序詩集卷之五

聞徑雷溪處芊芊翠管豈羣山錯若繡一水遶常湊
履廷佳客開樽飲故人暫停牛馬走酬唱共相親
關西隃糜令負海稷下宋懷誠題

弔段太尉

森森英氣人何在下馬來尋烈士墳
汧水明心終貫日
箭山依意尚生雲
長將節義留天地肯把鬚眉負聖君
堪笑海濱逃亦死誰知一笏勝三軍

汧陽卽事

隄廢饑饉流離後
荒草平蕪一片愁
崖下泥垣含土洞
樹邊烟火出山溝
鶉衣負籠尋薇蕨
鵠面拖犁代馬牛
慚愧道州思撫字
哀鴻如此阿誰羞

隄廢令句容王 輅題

隄廢秋夜

雨霽階庭潔
天清月露含
柝聲風漸遠
餘夢到江南

隄廢道中

紫雪徧川原

蕭麥花開初紫
面白滿目皆是

離離穀初熟野花開欲殘

寒虫鳴山麓

清涼山麓雨夜歸寢不成寐忽聞瀟瀟雨聲喜而

有作

蟋蟀鳴寒窓戍鼓城邊急旱久樂甘霖哀鴻澤中集

除夕習儀承寧寺

蕭蕭趨丹陛班聲續鳥聲寒光凝稷雪返照落荒城寂
寂殘年盡蕭蕭白髮盈明朝復元旦陟屺倍關情

輓坐汴署小亭 即洛陽軒也

空對青山寂寂雨
香三柳依依池邊草
色自綠雲外春禽夜歸

和羅松山晴岩飛雨 吳山八景之一

見說吳山景
層巒別有天
雲開日皎皎
澗落雨綿綿
地隔汴河遠
神遊靈應前
雅歌殊自愧
絕唱倚高賢

草鞋晚歸

小澗清泉曲
曲紫駟晚渡
從容斜陽遠
汀歸雁太尉祠

移送文廟龕桌燼臺牒文

汧陽縣為移明存貯以供祭祀以垂永久事竊照文廟祭器廢缺甚多自應漸次修復至香爐燭臺尤朔望必需之物何至竟用泥土棄置殊甚本縣聊備數項合行移送供奉香火為此牒移貴學煩為查收永遠存貯不得遺失損壞仍將收貯緣由牒覆存案須至牒者

計備

神龕壹座

供桌拾張

錫香爐燭臺各柒副

計重玖斤

柏木燭臺叁副

錫爐叁箇

計重壹斤貳兩

康熙伍拾貳年正月

日移

致祭段太尉公帖文

汧陽縣為修復祀典事竊照 太尉段公汧陽人傑生

而忠烈死當祭享公有祠建於邑之草碧鎮祀典久廢

本縣職司茲土嘗為歉仄不安今特修舉春秋二祭仰

該衙主其事每逢二八月上戊日着令該鎮鄉練集

地方遵照後開祭品於稅銀內備辦支銷永以為例毋

得怠忽須至帖者

計開祭品於後

全羊壹隻

重貳拾斤

豬首壹枚

豬肉壹方

雞鴨各壹隻

清酒壹尊

飯米壹升

蒸

饅拾枚

香燭全備

頰胙單一紙

康熙伍拾肆年柒月

日帖仰捕衙卷此

牒與帖文本不應列入但此地司其事者不特不能
修復而於已修復者反行戕賊此余所目擊者且不

第汧陽一邑爲然也故載之使後之莅茲土者有所
據以查考而或不至盡淪於廢墜也

卷之六

增補石門遺事小啟

泚色原無志書祇有石門遺事題

國初是令王君所輯從前舊蹟賴以僅存余承乏茲土
有志增修第才非著作而又所遇多艱敬謝不遑矣
然

國朝以來官師選舉七十餘年並未載入日久必遺故
欲爲增補而思拔歲副必列之選舉之內幸諸君子
出而共襄其事至於已故諸君其賢子孫可卽開姓

氏自蒲板價刊載若民間曾有孝子順孫義夫節婦
亦望公舉開明事實以便刊入庶使後之人聞風興
起於地方未必無補云

邑令吳宸梧啟

修 民公祠記

太尉段公在唐為忠義在汧為鄉賢其祠久已湮沒
無存矣

今上戊寅吾鄉三石宰臧邑創建三楹塑 公像于其
中將以為天下後世法况桑梓之人乎余自蒞任式
是祠而欲增廓其制有志未遑丁酉冬始為鳩工庀
材除舊葺俸外不無將伯之呼所有偷禮生供祀
之廟闕其敬不知問其舞不知徒冒供祀之名而濫

逸優免之實令其量捐欣然樂助即鄉曲閭巷庸夫
俗子亦多樂輸共襄勝舉而讀書之士獨捐助寡
嗚呼邑中有鄉賢而士類不知崇奉是儒流之習尚
反不如匹夫之慕義人心若此當專者之憂也雖然
公之實蹟具載于增補邑志中今天庭軒秩：靈
爽式遷游之人或亦聞風興起有以矯末俗而振頽
風乎是余之厚望也故為記

康熙歲次戊戌初夏陽羨吳履齋吳

明倫堂碑記


國家建學明倫設官分職崇聖教正人心以宣風化
故凡學宮之制有明倫堂為敷教之地第留心於此
者往之人卒卯冬余宰是邑肅謁

先聖廟貌雖存維草其宅心竊傷之維時雖墜而度葺
而廡完而環堵緣下車伊始祇以此繁除為急耳視
斯堂也榱桷欲折藩蔽傾頽且堂內竟為牧馬之場
不禁愀乎嗚矣有志重傷公語備節氣如瓦耳嗟

余昔為廣文欲修學宮而邑宰固實袖手不顧余苦
竭力告成今為邑宰欲修學宮而三廣文又俱漠然
抑何所遇之多艱耶雖然亦有平水有深故先建
啟聖祠以妥先聖之靈即欲重建此堂以為諸生
聽講之地不意軍需踵至刻無寧晷只得敬謝不遑
矣戊戌秋祭忽有齋長坐員具呈願以此祭陋規捐
積以為將來修葺之資余披閱之下不覺舊興勃然
遂以歷年所積折鹿餘貲盡行捐入而又多方設措

廣為勸助外有不足相俾成功者而諸事粗條庶可
以斐然一新俾敷教之址不致渝亡殆盡後之君子
倘能繼余志而增修之余心不更大快也乎是為記
康熙歲次己亥孟春

贊



...廟捐備祭器牒文

...縣為移明存貯以供祭祀以垂永久事籍照

...廟祭器廢缺日久今奉 文修復本縣即捐數項合

行移送為此牒遺費學煩為查收永遠存貯不得遺失

捐數仍將收貯緣由牒存案須至牒者

計備

甬三十個 卷一個 鐃五個 銅十三個

盆二十三個 香爐十個 燭臺二十個 以上錫共

斤十八

筵九十四個

豆九十四個

以土
本器 桐

乾隆元年

正月

日移

沂陽縣知縣管旆謹置

